



Universitätsbibliothek Paderborn

**Kurtzes Handtbüchlein/ vnd Experiment/ vieler Arzneyen/
durch den gantzen Körper des Menschen/ von dem
Haupt biß auff die Fuß**

Ryff, Walther Hermann

Straßburg, Anno M.DC.XIV.

Was sie Milch den Frawen mehret in den Brüsten.

urn:nbn:de:hbz:466:1-43769

Von allerhand Arzney/

Camepitheos im Wasser gesotten/ vñ auff die schwerende Brüst gelegt/ es hilfft.

Schwertelwurzel im Wein gesotten/ vñ eingedrungen/ nimpt das schweren in der Brust der Frawen.

Bilsensamen im Wein gesotten/ vnd dann gelegt/ auff die schwerende Brust/ es helets.

Münzen zerstossen/ vnd auff die Brust gelegt/ benimpt ihnen das schweren von der eingeschlossenen getrunnen Milch.

Weggras läßt gemischt mit Rosendöl vnd Buttern/ vnd auff die Brüst der Frawen gelegt/ benimpt ihnen das schweren.

Was die Milch den Frawen mehre in den Brüsten.

Dillensamen vñ das Kraut in Länsenbrüh gesotten/ vnd offt genützt/ mehret vnd bringet die Milch den Frawen.

Enß vnd Fendelsamen genützt/ bringet vnd mehret die Milch/ so auch wann es in Öl gesotten/ vnd über die Brust gelegt wirdt.

Basiliensamen im Wein gesotten/ vnd gebrauchet/ bringet die Milch.

Senfsamen in Lactuca oder Röll gekocht/ vnd genützt/ bringet die Milch.

Fendelsamen offt gestossen/ bringet vil Milch den Frawen.

Merrettichsamen mit Honig gestossen/ vnd gebraucht/ bringet vil Milch.

Was den Frawen die Milch vertreibet vnd verschwindet

Eppichsamen genützt/ vertreibet die Milch den Frawen.

Wündscherling/ das Kraut vñ wortzel zerendtscht/ vnd auff die Brust der Frawen gelegt/ das benimpt ihnen die Milch.

Rautten